



ҰЛТТЫ БІРІКТІРГЕН ҰЛЫҚ МЕРЕКЕ

Құрметті әріптестер!
Сіздерді Судьялар одағы атынан Республика күнімен құттықтаймын!

Еліміздің әрбір азаматы үшін Республика күні – айрықша мәнге ие Ұлттық мереке, ата-бабамыз ғасырлар бойы аңсаған тәуелсіз елдің символы. 1990 жылғы 25 қазанда Қазақстанның Мемлекеттік егемендігі туралы Декларация қабылданды.

Ел егемендігіне қол жеткізу оңайға соқпады. Осы тарихи жолда біздің ата-бабаларымыз Отанға деген сүйіспеншілік пен ерліктің жарқын үлгісін көрсетіп, бостандық пен әділеттілікке қол жеткізу үшін жанқиярлық күрес жүргізді. Бұл отансүйгіштік қозғалыстың негізінде өз Туы мен Әнұраны бар тәуелсіз мемлекетті құруға деген асыл ұмтылыс болды. Олар өздерінің сенімі, рухани күш-қуаты мен ерік-жігерінің арқасында сан ғасырлық арманын жүзеге асырды. Мемлекеттің егемендігі туралы Декларация олардың күш-жігері мен қаһарман ерлігінің ең айшықты жәдігеріне айналды.

Тәуелсіздікке қол жеткізген кезеңнен бері ауқымды жұмыстар атқарылды. Бүгінгі таңда Қазақстан әлемде өзінің лайықты орнын тауып, мемлекет өмірінің көптеген салаларында қарқынды дамып келеді. Объективті, оның ішінде бізді қоршаған алмағайып әлемдегі қиындықтарға қарамастан, Қазақстан өз мақсатына – әрбір азаматтың құқықтары мен міндеттері қорғалған, әлеуметтік тұрғыдан өркендеген әрі экономикалық дамыған мемлекетке айнала жолында сенімді қадамдар жасауда.

Қазіргі таңда дүние түрленіп, жаңа трендтер мен сын-қатерлер, оның ішінде цифрлық дамуға қатысты түрлі өзгерістер пайда болып жатыр. Бірақ адам құқықтарын қорғау біздің мемлекетіміздің ең басты, іргелі құндылығы, мемлекет тұрақтылығының өлшемі болған, әрі қарай да солай болмақ. Сол төрелігін жүзеге асыру, заңның үстемдігін, адам құқықтарының мызғымас-тығын ең биік межеге бекіту секілді жауапты әрі мәртебелі міндет судьялар корпусына жүктелген. Біз – әрбір судья бұл міндетті жүрегімізбен сезінуге міндеттіміз.

Құрметті әріптестер, Сіздерді Республика күнімен құттықтай отырып, дендеріңізге саулық, жұмыстарыңызға табыс, отбасыларыңызға бақ-береке, жарқын болашақ тілеймін! Мереке құтты болсын!

Сәкен АБДОЛЛА,
Қазақстан Республикасы
Судьялар одағының төрағасы

БҮГІНГІНІҢ БАС ТАҚЫРЫБЫ

ДЕКЛАРАЦИЯ - ТӘУЕЛСІЗДІК БОЙТҰМАРЫ



Тәуелсіздікті жақындатқан, азаттықты сезіндірген декларацияның ел тарихындағы алар орны бөлек. Себебі 1990 жылы 25 қазанда қазақ елі үшін тағдыршешті құжат дайындалып, көпшілікке таныстырылған еді.

«Қазақ КСР-нің мемлекеттік егемендігі туралы» декларация – сын сағатта ел басында тұрған азаматтардың жанкешті еңбегінің жемісі. Өйткені жетпіс жылдық бодандықтың боз қамытынан бас тартып, жаңа қадам жасау, тәуелсіздікке ұмтылу тәуекелі көп, жауаптылығы зор іс болатын.

(Соңы 2-бетте)

СӨТІ ТҮСКЕН СҰХБАТ

Мадияр БАСШЫБАЕВ,
Жетісу облысының прокуроры:

«ПРОКУРАТУРА - ҚҰҚЫҚТЫҚ САЛАДА ЗОР ӨКІЛЕТТІККЕ ИЕ»



(Сұхбатты 5-беттен оқи аласыздар)

ХАЛЫҚ ПЕН НАРЫҚ

Халықтың 84 пайызы несие қамытын киіпті. Бұл дегеніміз – 8,4 миллионнан астам адамның қарызы бар деген сөз. Соңғы бір жарым жыл ішінде бұл көрсеткіш 27 пайызға өскен. 90 күннен кешіктірілген қарыз көлемі шамамен 1,4 трлн. теңге. Яғни, 1,7 миллион адам қарызын уақытылы төлей алмай отыр. Осының бәрі несие проблемасының қаншалықты асқынып кеткенін көрсетеді. Мемлекет бұл ретте қиын жағдайға тап болған азаматтарға барынша көмек қолын созуда. Президент 2019 жылы 500 мың азаматтың кепілсіз кредитін кешіру туралы шешім қабылдады. Сондай-ақ, «Жеке тұлғалардың банкроттығы туралы» заң да өз тиімділігін көрсетті. Бірақ жағдайды түбегейлі шешу үшін әлі де кешенді шаралар қажет.

Жақында Парламент Мәжілісінің депутаттары тиісті құзырлы орын өкілдерін шақырып, арнайы тыңдау өткізіп, мәселені жан-жақты талқылады. Жиында сөз алғандар қалыптасқан жағдайға байланысты өз түсінігі, пайымы деңгейінде баға беріп, ұсыныс қосты. Олар-

НЕСИЕ КҮЛІП КІРІП, КҮҢІРЕНТІП ШЫҒАДЫ

дың қай-қайсысы да шындықтан алыс емес. Мәселен, алдымен сөз алған Мәжіліс төрағасы Ерлан Қошанов халықтың несие құрығына түсуіне белгілі деңгейде қаржы ұйымдары ықпал етіп жатқанына назар аударды. Олар жарнамаларымен қызықтырып, несие алу жолдарын жеңіл әрі қолжетімді етіп қойған. Бүгінде онлайн несие тіпті 14-16 жастағы балалар рәсімдей алады. Тек смартфон мен интернеттің болса жеткілікті. Бұл жаста адамның қаржылық жауапкершілікті арқалуы мүмкін еместігі қаржы ұйымдарын ойландырмайды да. Оларға несие берсе болғаны. Өйткені, қарызды төлейтін – әлгі балалардың ата-анасы.

Еш ойланбастан тіпті бірнеше несие қатар алатындар көбейіп барады. Жиырма несие барлар да табылыпты. Олардың көбі мұндай қадамға алдыңғы несие алу үшін барады. Осыны көріп тұрып, банктер қалай несие береді? Мұның сыртында тәжірибе адамдардың банк шарттарын түсінбейтінін көрсетіп отыр. Алған ақшасын бірнеше еселеп төлейтінін түсінбей, несие рәсімдей береді. Осы ойланбай жасалған қадамның соңы маскүнемдікке салыну, шаңырақтың шайқалуы, өзіне қол салу секілді келеңсіз жағдайларға

әкеліп жатыр. Адамдар қаржы алаяқтығынан шығу үшін қаржы пирамидасының да құрбандарына айналып жатыр. Осыны айтқан Қошанов мырза халықтың қаржылық сауаттылығын арттыру қажеттігін атап көрсетті. «AMANAT» партиясы бастаған, бүгінде өз тиімділігін көрсетіп отырған «Қарызсыз қоғам» жобасын жалыпхалықтық бағдарламаға айналдыру керектігін мәлімдеді. Мәселенің салдарымен емес, себебімен күресу үшін заң арқылы несие беру талаптарын күшейту, оның ішінде, әсіресе, төлем қабілеті төмен жандарға несие берілмеу тетігін жасау қажеттігіне назар аударды. Сыйақыны төмендету, өтелген несие коллекторлық ұйымдарға сатуға тыйым салуды да заңнамалық тұрғыда негіздеу керектігін атап көрсетті.

Жиында сөз алған Ішкі істер вице-министрі Игорь Лепеха халықтың несиеге батуына қатысты екі факторға назар аударды. Біріншісі – киберқылмыстың, әсіресе, интернет-алаяқтықтың артуы, екіншісі – өз-өзіне қол жұмсау, сондай-ақ азаматтардың кредиттер мен қарыздар бойынша төлем жасай алмауынан жасалған қылмыстары.

(Соңы 3-бетте)

БАЙҚАУҒА!

Бас қалада өтетін жиналысқа барғанда, тергеуші Таңат өзінің қатаң сөгіс алатынын іштей сезді. Қашып кеткен күдіктінің бір-екі күнде табыла қоятынына сенім жоқ.

Жүрдек пойызға кешігіп қалып, осы бір қылмысқа ұрынған Ернардың да соры қалың екен деп ойлады.

Қатерлі кездесу

Қас қарайып қалған. Жамбыл облысынан Алматыға емделуге келген Ернар үлкен қаланың кептелісінде пойызға кешігіп, қонатын жері болмағасын сыныптасы Қайратқа хабарласады.

Бұл кафеде Жамбыл облысындағы әскери бөлімшеден қашып кеткен солдатты іздеп, күні бойы аяғынан тозған капитан Сабыр да отыр еді.

Сыралатқан сыныптастар мұны әңгімеге тартып, бір облыстан екенін білгенде, бірге отыруды ұсынды.

— Бұл ауылға қайдан жол түсті? — деді Қайрат.

Бір солдат қашып кетіп, осы ауылдың тумасы болғасын соны іздеп келгем. Ертең тағы іздеймін.

— Ооо, бауырым, сен әскери адам болдың ғой, шенің қандай? — Дәуреннің мына сұрағы біртүрлі кекесінмен естілді.

Дәуреннің бұл сөзі бір шикіліктің басы болмасын деп секем алған Қайрат:

— Қазір әскерде емессің ғой, бауырым, — деп, бір-біріне тістене қараған жігіттердің қабағын жазбақ болып, екеуінің арқасын қаға берді.

Бірақ біз жерлеспіз ғой, Жамбыл облысының жігіттері жасасын, жасасын!!! — деп айғайлады.

Суық хабар

Гүлдәла — жылдан-жылға кеңейіп бара жатқан, жан-жағында саяжайы көп ауыл.

ӘСКЕРДЕ ҚАЛҒАН КЕК

бірді-екілі мал ұстап, бадаға қосады. Таңертең малын өріске шығарған Ақназар қария күнде өтіп жүрген жерінен бөтен бірдененің қарайып жатқанын көріп, әлденеде секем алғандай жетіп барғанда, қан-жоса болған ер жігіттің мәйітін көреді.

«Динара» кафеінің қызметкерлері Сабырдың ол кафеде алғашында жалғыз, сосын үш жігітпен бірге отырғанын, олардың біреуінің «Жамбыл облысының жігіттері жасасын!» деп айқайлағанын айтты.

Сайдағы із

Қайраттың үйі кафеден алыс емес екен. Жеңгесі Әлима Жамбыл облы-

сынан келіп, мұнда пәтер жалдап тұратынын, Қайраттың ауылға кеткенін айтты.

Алматы маңындағы ГРЭС деп аталып кеткен ауылдан келген кинолог



— Иә, іштік, біраз отырған соң әркім өз жөнімен кетті.

— Дәурен қайда? — Ол кафенің қасында қалған. — Сыныптасыңыз Дәуреннің бұрын

Сыраға сылқия тойған сыныптас-тарын «Әскери адамның ақшасы көп болады, ұрып-соғып, онысын тартып алайық» деп азғырған да сол еді.

Ал оларды арандатып, Сабырдың қалтасында екі мың теңге ғана болды деп ызаланған Дәурен әлі табылмады.

Сол үшін тергеуші де, жедел уәкіл де сөгіс алмақ. Сөгіс алса бір жөн, қызметін төмендетуі де мүмкін.

Қоңырау

Жедел уәкілдің телефонның құлағында отырғанына кеше тура бір жыл болды. Жер жұтып кеткендей...

— Мама, қызуы бар шығар, тартпада қызу өлшегіш бар, өлшеп көріңізші, — деді қызы.

Бір сәт үнсіз қалған Өмірзақов құлақтапты шеше сала өзінің телефонына жүгірді.

— Табылдымы?! Жолдас подполковник, Дәурен табылды!.. — Шын ба?.. Жедел сол қаланың қылмыстық іздестіру тобына хабарла, үйге адамдарын жіберсін.

Күн тәртібіндегі мәселелерден соң, кезек бір жыл бойы табылмаған қылмыскердің жайына келгенде, Солтүстік Қазақстан облыстық қылмыстық іздестіру тобы Дәуренді ұстаған еді.

Таңаттың көз алдына жәутең-деген, төрт бала мен кемсеңдеген кейуана келді.

Назым ДҮТБАЕВА

ТҰЛҒА



Ғұмыры қысқа болғанмен, артында өнегелі із қалдырып, өзі өмірден өтсе де, еңбегі мен қызметі, айналасындағы адамдарға жасаған жақсылығы мен жанына жақын тарта білетін жылылығы естен кетпейтін адамдар бар.

Сондай келбетімен өмірде есте қалатын тұлғаның бірі — заң ғылымдарының докторы, профессор Әбдуәлі ЕРЕНОВ.

Әбдуәлі Еренұлы — отандық экология, жер, су құқығы саласын дамытуға елеулі үлес қосқан көрнекті ғалым.

ҒАЛЫМНЫҢ ЖАРҚЫН БЕЙНЕСІ ЖАДЫМЫЗДА

кезінде Сталинград шайқасына қатысты. Кейіпкеріміз майданнан оралғанда небәрі 19-ға толған еді.

Бірақ өмірді жаңадан бастауға күш тауып, Ташкент мемлекеттік заң институтына оқуға түскен бозбала 1949 жылы оқу орнын үздік бітіріп шығады.

Профессор Әбдуәлі Еренов кейінгі ұрпаққа көптеген ғылыми еңбек қалдырды. Оның ғылыми-теориялық идеялары мен тұжырымдамалары ғылыми ортаның, оқырмандар мен кәсіби қызметкерлердің жоғары бағасына ие болған.

лану мен қорғауды құқықтық қамтамасыз етудің теориялық мәселелері» еңбегі үшін Қазақ КСР Ғылым академиясының Ш.Уәлиханов атындағы сыйлығын иеленді.

Профессор Әбдуәлі Еренов кейінгі ұрпаққа көптеген ғылыми еңбек қалдырды. Оның ғылыми-теориялық идеялары мен тұжырымдамалары ғылыми ортаның, оқырмандар мен кәсіби қызметкерлердің жоғары бағасына ие болған.

«Ұстазымыз бар ғұмырын ғылымға арнады... Абай атамыз «Шәкіртсіз ұстаз — тұл» демекші, Әбдуәлі Еренов — біз үшін тынымсыз ізденістің, шынайы еңбектенудің үлгісіне айналған тұлға.

Әл-Фараби «Ғылымның сарайына кіретін адамның ары таза, жан иманы кәміл, пейілі тура болуы керек» деген екен. Міне, осы сөздер эколог-ғалым Әбдуәлі Ереновке арналып айтылғандай.

мойымады, өзінің адами болмысымен, кісілігімен «ұстаз» деген атқа лайықты бола білді.

«Мың адамға татитын ғұмыр кешкен» аяулы ұстазымыз Әбдуәлі Еренов быыл 100 жасқа толды... Өзі өмірден өткенімен, жарқын бейнесі жадымыздан кетпейді.

Ләззат ЕРКІНБАЕВА, әл-Фараби атындағы Қазақ ұлттық университетінің Академиялық мәселелер бойынша Басқарма мүшесі — проректор, заң ғылымдарының докторы, профессор

МЕНШІКТІ ТІЛШІЛЕР:

Table with 2 columns: City and Name. Includes Astana, Almaty, Aktau, Atyrau, Mangystau, Qyzylorda, Turkistan, Balyk, and Qazaqstan.

РЕДАКЦИЯНЫҢ МЕКЕНЖАЙЫ:

050012, Алматы қаласы, Х.Досмұхамедұлы көшесі 68 «б»-үйі. Қабылдау бөлмесі: 292-43-43, 8 708 929 9874, zangazet.kz

Газетіміздің электронды нұсқасын ANNMEDIA.KZ сайтынан оқи аласыздар.

Газет бетіндегі жарияланымдардың позициясы мен фактілері үшін редакция жауап бермейді.

Жарнама мен хабарландырулардың мазмұнына жарнама беруші жауапты. Жарнама берушінің жіберген қателігіне байланысты талал-тілектер хабарландыру жарияланған күннен бастап екі ай мерзім ішінде қабылданады.

Газетті есепке қою туралы №16297-Г куәлікті 2017 жылғы 12 қаңтарда Қазақстан Республикасының Ақпарат және коммуникация министрлігі берген.

Газеттің терімі мен бет қатпау жұмыстары «Заң» Медиа-корпорация» ЖШС компьютерлік орталығында жасалды.